



Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

6. Conclusio. Malefici ope diabolica adiuti possunt impedire vim generatiuam inter coniuges, vel alias personas.

urn:nbn:de:hbz:466:1-41113

taq; manibus notariorum eorum, qui ea corā
criminalibus iudicibus siue præfectis loco-
rum, & aliquibus semper scabinis in examine
adiunctis in notam receperunt.

6. Conclusio. *Malefici ope diaboli-* Malefici
ca adiuti possunt impedire vim generati-
vum gene-
ratiuā con-
iugum im-
pedire pos-
sunt ope dō
monum.
*vim gene-
ratiuā con-
iugum im-
pedire pos-
sunt ope dō
monum.*

PATET ex iure canonico in titulo de frigid.
& malefic. & 33. q. 1. cap. Si per sortiarias. Et
ratio est manifesta. Potestas Dæmonis est ma-
ior potestate hominis, sed opere humano po-
test aliquis fieri impotens ad carnalem copu-
lam, vt per castrationem, ruptionem, herbas,
vel medicinas. Sic tenent communiter Theo-
logi in 4. sentent. distinct. 34. Canonistæ in tit.
de frigid. & malefic. & in d. 33. q. 1. c. Si per Sor-
tiarias. Potest autem tale impedimentum po-
ni, vel impediendo corpora, ne mutuò appro-
pinquent, vel adhibendo occultè virtutes re-
rum, quas Dæmon optimè nouit ad hoc vali-
das; vel turbando imaginationem & phanta-
siam, ita vt reddat alterum cōiugum exosum:
vel prohibendo missionem spirituum ad mē-
bra, in quibus est virtus motiua & seminatiua;
& alijs modis, qui sunt Dæmonibus cogniti,
nobis autem occulti. Legendus super hac ma-
teria Paludanus in 4. sentent. dist. 34. q. 2. art. 3.
Malleus malef. 1. part. q. 8.

Quare

Quare autem Diabolo potius potestas tribuatur circa vim & actum potentiae generatiue, quam in alijs actibus, hanc post S. Thomam in 4. dist. 34. quidam rationem reddunt, quia corruptio peccati prima per quam homo factus est seruus diaboli, in nos per actum generatiue deuenit, ideo maleficij potestas permittitur diabolo a Deo in hoc actu magis, quam in alijs: Sicut in serpentibus magis ostenditur virtus Maleficiorum, quam in alijs animalibus, quia per serpentem diabolus in primis mulierem tentauit. S. Bonaventura in d. d. 34. artic. 2. q. 2. in sol. argument. clarius, licet ferè in eundem sensum tendat, respondet, quod sicut Diabolo permissa est a Deo potestas super serpentes magis, quam super alia animalia, in prioris facti memoriam, unde plus per incantationes serpentes quam aues capiuntur; sic quia actus ille scilicet potentiae generatiue vitiosus est, & quod dammodo faciens, & ut plurimum coniunguntur homines ad illum actum libidinosè, ideo diabolus plus habet ibi posse, & plus ei permittitur, & hoc probatur exemplo Scripturæ, & auctoritate, quoniam dicitur in Thobia, quod dæmonium nomine Asmodæus virum in lecto interfecit, non in conuiuio. Sic Bonaventura. Quid autem loco remedij in hoc casu adhibendum, in d. cap. Si per Sortiarias declaratur. Si per Sortiarias, ait canon, & maleficas concubitus

bitus non sequitur, hortandi sunt quibus illa
eueniunt, vt spiritu contrito & humiliato
Deo & sacerdoti de omnibus peccatis Con-
fessionem faciant, & lachrymis, atque ele-
mosynis, orationibus & ieunijs domino sa-
tisfaciant, & per exorcismos, ac cætera Eccle-
siasticæ disciplinæ munimina ministri Eccle-
siæ tales sanare procurent. hæc ibi. Hinc nullo
modo licitum est accedere maleficum, aut
magum pro dissolutione talis maleficij, vt in
hac specie S. Thomas in d. d. 34. q. 1. art. 3. S. Bo-
nauent. vbi suprà Maior in ead. d. q. 2. S. Anto-
nin. in 3. part. tit. 1. cap. 12 §. 3. Turrecremat. in
d. cap. Si per Sortiaras. Malleus maleficor.
in 2. part. & secundo princip. & alij alibi com-
muniter tradunt : Quod etiam verum est,
si maleficus paratus esset ad soluendum, pro-
ut communis & vera sententia tenet contra
Angelum in verb. Superstitio. §. 13. post Au-
reol. in d. d. 34. q. 2. Allegat etiam Angelus
pro se Scot. in ead. d. qui tamen aliter sentit,
nempe licitum esse tollere maleficium sine
maleficio, per remotionem signorum, si quæ
posuisset maleficus in aliquo loco, quæ essent
pacta & symbola infidelis amicitiae inter ma-
gum & Dæmonem. Quod non solum Scotus,
sed etiam Gabriel in 2. dist. 8. q. 2. artic. 4.
dub. 2. Syluest. in summa verb. Maleficium, q.
8. Caietan. & Aurea Armilla ibidem. Nauarr.
in Manuali confessar. cap. ii. num. 29. & alij ali-
bifa-

bi fatentur. Ex dictis sequitur cum maximo animæ periculo maleficiū curasse aduocando magum, eum, cuius meminit Paulus Griland. de Sortilegijs, lib. 2. q. 6. à num. 15. & causum in hunc modum refert. In agro Sabinensi in quo hęc maleficarum secta plurimum inuoluit, & de præsenti quoq; magna ipsarum copia reperitur. Quidam vir egregius, literatus, & illæsæ conditionis & famæ, qui in vno ex oppidis illis ortum habuit, licet modò sit seneх, quadam die à quinquennio citra mihi retulit, quod ipse dum erat in flore senectutis suæ tempore, quo sponsam duxit ad matrimonium consummandum, opera & ingenio cuiusdam maleficę mulieris, quā mihi nomine proprio declarauit, maleficiatus fuit, & adeò fortiter appræhensus dicto maleficio fuit quod cum vxore ea nocte, & postea per multos dies nullum penitus debitum reddere potuit, ex quo habebat maximam verecundiam, nunquam cessabat admirari, considerās, quod prius erat per quam validus in simili actu carnalis copulę, ex quo maximam solitus erat habere delectationem: tunc verò contrà, adeò quod sua misera vxor, eiusque parentes reclamare cœperunt, primò priuatim putantes postmodum durante impedimento deuenire ad matrimonij separationem, adeò quod iste sponsus pro dolore ac verecundia, quasi demens & desperatus euaserat: & multos medi-

cos

costonuocauit, vt liberaretur ab ipsa infirmitate & impedimento, & nihil proderant sibi: demum quidam senex ipsum consuluit, vt mitteret in quibusdam montibus, altis pro quodam magno & solemnii magistro, qui vocabatur magister magnæ experientiæ: qui in veritate erat solemnis magus & maleficus: Qui quamprimum vidit ipsum sponsum, cognovit illius infirmitatem, & breui tempore illum liberare spopondit vna nocte tantum, & iussit quod dormiret illa nocte cum vxore, & prius exhibuit quoddam poculum, dum volebat ire dormitum, & præmonuit ipsum, eiusque vxorem, ne illa nocte munirent se signo crucis, neque timerent aliquo pacto, si aliquid ea nocte viderent, vel audirent: quia non poterant sibi nocere. Qui maleficiatus, cupiens multum ab ipso maleficio liberari, omnia ad vnguem seruauit. Quinta autem noctis hora, vel circa, cœpit audire maximos tonitus, pluviastempestuosas, & fulgura quam maxima, deinde terræmotus adeò terribiles, quod tota domus quassabatur à venti terræmotu: deinde audiuit voce humana quosdam magnos vulnus & clamores, & auertens oculos, vidit in camera plus quam mille, ut apparebat, ad iniucem certantes, & vnguisbus, pugnis, & calcibus crudeliter pugnantes, & lacerantes alterius facies & vestimenta tota, inter quos vidit mulierem quandam, quæ erat alterius oppidi

Q

vici-

vicini, & dicebatur quod erat malefica, de quo ipse sponsus multum suspicabatur, ne ab ea pollitus fuisset, quæ ultra omnes maioribus gemitibus & ululatibus cruciabatur, & crines faciemque suam totam ynguibus lacerauerat, propter quæ ipse maleficiatus dixit, quod aliquantulum pertinuit à principio dubitans, ne quid mali sibi accideret: deinde recordatus de monitionibus magistri assumptis vires: vxorem vero semper tenuit sub pannis absconditam, ne ista videret: postquam verita certauerant per medium horam, vel circa ingressus fuit magister in camera prædicta, & erat tunc circa medium noctem. Ad cuius ingressum omnes illi pugnantes una cum muliere ipsa statim disperauerunt, & penitus abiexerunt. Ipse autem magister accessit ad ipsum maleficiatum, & illius humeros tetigit manu perfricando aliquantulum dicendo quod non dubitaret amplius, quia iam liberatus erat: & illinc discessit. Post cuius discessum maleficiatus sentit paulatim calorem quendam in renibus & lumbis, & ita liberatus vxori debitum reddidit, & postmodum optimam prolem vtriusq; sexus cum vxore recepit: & ergo quosdam ex suis filijs noui, & allocutus fui cum eius vxore tunc vetula, quæ omnis prædicta ingenuè fassa est, dicens, quod nunquam diebus suis grauiori fuit pulsatus timore, quam nocte illa. Sic Grilland. His

cel.

Certè curationis modus planè fuit diabolicus, ut apertè colligitur ex omnibus adiunctis. Quomodo autem impotentia coeundi maleficio procurata matrimonium impedit, vel non, tractant D. Thomas, Bonaventura, Paludanus, & alij Doctores, cum Magistro, in 4. d. 34. & canonum pertinenti intit. de frigidis & malefic. & Summa in verb. Matrimonium, de impedimentis.

*Malefici
hominibus
quām pecoribus
suis incantationibus interficere, & pecora
bos & nūc
em infernū
occidere.
possunt*

7. Conclusio. *Malefici auxilio dæmonum possunt morbos inferre, homines suis incantationibus interficere, & pecora occidere.*

CONSTAR in primis ex historia Iob. 2. ca. quem percussit vlcere pessimo à planta pedis usque ad verticem. Et in Evangelio Luc. 13. & Marc. 9. dæmon reddidit hominem surdum & mutum. Et S. Augustinus in lib. de diuinat. cap. 6. testatur sàpè accipere potestatem morbos immittendi, & aërem viciando morbidum reddendi. Idem patet ex L. Multi. C. de malefic. & Mathemat. Multi, (ait lex) magicis artibus usi elementa turbare, vitas insonium labefactare non dubitant, & manibus accinctis audent ventilare, ut quique suos conficiat malis artibus inimicos: hos quoniam naturæ peregrini sunt, feralis pestis absumat. Efficiunt autem talia malefici siue venefici,

Q 2

nefici,